

## **Theologia Scholastica Secundum Viam Et Doctrinam D. Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo  
& norma ibidem usitata publicè tradita, & in IV. Tomos digesta ; Qvorvm  
Primvs Tractat De Deo Vno Et Trino, Deq[ue] Creatura Angelica ...

**Mezger, Paul**

**Augustæ Vindelicorum, 1695**

Articulus I. Referuntr & refelluntur diversæ sententiæ de essentia peccati  
originalis?

---

[urn:nbn:de:hbz:466:1-74152](#)

## DISPUTATIO XXVIII.

DE

## Essentia peccati originalis.

**N**on minus essentia, quam existentia peccati originalis est circumsepta difficultibus: nam existentiam fidei & definitionem limites non aded permittunt omniam vagam rationis licentiam; metaphysica vero essentiae constitutio, cum parum ad fidem & mores conferat, libertati ingeniorum relinquitur. Igitur examinata prius sententiarum varietate nostram demum mentem explicabimus.

## ARTICULUS I.

Referuntur & refelluntur diversae sententiae de essentia  
peccati originalis.

## SUMMARIA.

1. *Hereses constituentes originale in aliquo substantiali.*
2. *Heresis constituentis in concupiscentia.*
3. *Sententia Ambrosii Catherini, ejusque fundamenta,*
4. *Refutatur,*
5. *Fundamenta solvuntur.*
6. *Refertur sententia Durandi constituentis originale in reatu ad peccatum.*
7. *Impugnatur.*
8. *Autoritates objecte exponuntur.*
9. *Refertur & exponitur sententia de morali in existentia primi peccati.*
10. *Impugnatur.*
11. *Refertur sententia Thomistarum quorundam constituentis peccatum originale in aliquo habituali positivo.*
12. *Impugnatur ratio positiva.*
13. *Impugnatur moralis transpositio.*
14. *Ulteriores impugnaciones.*
15. *Exponuntur testimonia adducta à S. Doktore.*

## §. I.

## Rejiciuntur errores.

Primo Matthias Illyricus Centuriatorum Princeps in libello de pecc. orig. dicebat, peccatum originale esse ipsummet animæ substantiam, ed quod Rom. 7. Ephes. 4. Coloss. 3. istud, imo & alia peccata exprimant vocibus substantiam significantibus: *Vetus homo, corpus peccati &c.* Cujus delirii absurditas coincidens cum antiquissima heresi Manichæorum, damnata pridem fuit à Concilio & Patribus unanimi consensu concludentibus, peccatum non esse substantiam, nullam substantiam esse malam, nullam esse malam naturam, omnem substantiam esse à DEO, peccatum vero non esse à DEO. Item à Trid. Sess. 5. de pecc. orig. can. 5. definitio: *Per Sacramentum baptismi soli ab homine totum id, quod veram & propriam rationem peccari habet.*

Constat etiam ex hac ratione: quod dæmon non possit esse Author alicuius substantiaz: est vero Author peccati originalis: *Nam inuidia Gabolii peccatum intravit in mundum: ergo peccatum rationem peccari habet.*

R. P. Merg, Theol. Schol. Tom. II.

catum originale non potest esse substantia. Porro Apostolus dicens: *Vetus homo, non significat solum peccatum formaliter, sed subjectum peccatis iniquitatum, quemadmodum & novus homo significat subjectum, gratia sanctificante preditum. Corpus quoque peccati per metaphoram & allegoriam vocatur multitudo peccatorum: quia sicut ex variis membris configuratur corpus, ita ex variis peccatis integra multitudo peccatorum coalescit.*

A priori errore parum abludit explodenda Keenitii infanctia, afferentis, originale peccatum esse aliquid substantiale corporeum, v. g. cor, hepatis, aut totum corpus: hæc enim manent refutata ex dictis: ipsum quoque originale est infelicitas & mors ipsius animæ, quod de nulla re corpore dicí potest.

Tertiò communissimus error est Lutheranorum & Calvinistarum, qui dicunt, peccatum originale esse ipsum somitem concupiscentia, & inclinationem ad malum. Qui error manet confutatus ex praælegata definitione Tridentini, que hanc præcipue heresim tangit, quod per baptizandum tollatur in renatis, quidquid habet veram & propriæ dictam rationem peccati, juxta illud Apostoli. Rom. 8.: *Nihil damnationis est nisi qui sunt renati in Christo JESU: atqui concupiscentia relinquitur post baptismum attestante eodem Apostolo Rom. 7. Video aliam legem in membris meis, repugnantem legi mentis mea. Nec obest, quod Apostolus hanc concupiscentiam alibi appellat peccatum, nam dicitur peccatum metonymicè, non quod verè & propriè in renatis peccatum sit, sed quia ex peccato est, & ad peccatum inclinat, ut loquitur Tridentin. cit. Can. 5. Manet eadem heres refutata ex dictis in priori Tract. ubi ostendimus, motus concupiscentia secundum se non esse peccata.*

Ex iisdem fundamentis rejicitur opinio, que tribuitur Gregorio Atrimin. l. 1. sent. dist. 31. q. 1. constituentis peccatum originale in morbida qualitate animæ superaddita, quam Serpens subtilis Adamo afflaverit: nam primò, si per hanc qualitatem intelligis concupiscentiam, incidis in errorem prioris sententia: si distinguis: vel illa

qualitatem

L. I.

qualitas est spiritualis, vel corporea. Non corporea, quia haec non potest afficere animam; non spiritualis, quia huius non est assignabilis causa, cum filius Serpentis non cum Adamo, sed cum Eva loquentis illam non potuerit producere; insuper ejusmodi qualitas non ablueretur per baptismum, nec subtraheretur Divinae causalitatem, quorum utrumque repugnat peccato originali.

## §. II.

## Expenditur opinio Catherini.

**3.** **A**mbrosii Catherini, Pighii, & Salmeronis doctrina est, peccatum originale formaliter consistere in praeterito actuali peccato Adami parvulos extrinsecè denominante: quæ sententia docet primò peccatum originale nihil esse aliud, quam primum Adæ inobedientiam. Secundò, hoc originale peccatum esset unum idemque in omnibus, in Adamo quidem re ipsa, in ceteris vero imputative. Tertiò, nihil esse inherens in parvulis, quod habet rationem peccati. Quartò, privationem justitiae, reatum, & similia ponam esse peccati originalis, non culpam.

Fundamentum hujus sententiae est primò: Illud est originale peccatum, per quod mors intravit in mundum: sed per peccatum Adami personale mors tam animæ, quam corporis intravit in mundum: ergo ipsum est peccatum originale. Secundo: Illud est peccatum originale, quo in primo instanti conceptionis peccatores constitutimur: sed per inobedientiam Adami sic constitutimur peccatores, dicente Apostolo: *Per inobedientiam unius hominis peccatores constituti sunt multi.*

Tertiò: Illud est nostrum originale, quod Adam in nos transmisit: sed transmisit suum personalē, vel actuale peccatum, non enim aliud transmisit, quam quod habuit; sed habuit actuale peccatum: ergo.

Quartò: Illud est nostrum originale, quo Adam nobis nocuit: sed per suam actualem inobedientiam nobis nocuit: ergo.

Huc applicant textus SS. PP. cum dicunt: *Quoniam non jejunavimus, exulamus a paradiso.* Basilius hom. 1. de jejuni. *In casu primi hominis cecidimus omnes.* Bernard. serm. in Cena Dom.

**4.** Contra hanc sententiam est primò: quia Concil. Atauf. can. 2. nec non Trid. loco citato, dicunt peccatum transfundit in posteros, & eodem modo loquuntur de peccato, ac de morte: sed peccatum transfundit non est pura denominatio extrinsecæ, ut neque mortem transire in genus humānum: ergo non potest salvare originale peccatum per puram denominationem extrinsecam.

Secundò: Idem Trid. sicc. 6. c. 2. affirmit, homines dum concipiuntur, propriam iniquitatem contrahere, ut, licet sit unum origine, sit tamen distinctum in singulis: sed ex mente Pighii & Catherini unum tantummodo esset peccatum originale commune omnibus, cum actuali peccatum Adami tanquam actus immanens ipsis non possit multiplicari in posteris.

Tertiò: Concilium ibidem opponit comparativè iniquitatem, quam ex Adamo per generationem acceperimus, gratiæ & sanctitati, quam à Chri-

sto per baptismi regenerationem acceperimus; ergo sicut ista est cuiuslibet baptizato propria, intrinseca, & distincta à sanctitate Christi, ita & in iustitia, quam ex Adamo contrahimus, est cuiuslibet propria, intrinseca, & distincta à peccato Adami.

Quartò: Poena damni, respondens culpe originali, intrinsecè & signatim afficit omnes, qui sine baptismi deceidunt: ergo similiter culpi originalis, cui illa proportionatur, debet esse intrinsecè recepta in singulis.

Quinto: per baptismum, intrinsecè mundamus, & abluiamur à peccatis: sed hoc significat in proprietate verborum ablutionem alicuius maculae intrinsecæ: ergo.

Fundamenta contrariae opinionis peccant in confusione peccati originalis activi originantis cum peccato originali passivo, & sensu causalis eum formalis.

Unde ad 1. Respondeo distinguendo maiorem: Est peccatum originale originans, concedo; est peccatum originale, originatum, & passivè receptum, nego. Hoc enim est ipsa mortuinitas; & sic distincta minor, nego consequentiā.

Ad 2. distinguo maiorem: Illud est nostrum originale peccatum, quo formaliter & intrinsecè peccatores constitutimur, concedo; quo causaliter, & extrinsecè, nego majorem; sed per Adæ actuale peccatum constitutimur peccatores causaliter & extrinsecè, concedo; formaliter & intrinsecè, nego minorem & consequentiā.

Ad 3. nego minorem, & probationem distinguo. Illud transmisit, quod habuit causaliter, concedo; formaliter, nego. Peccatum enim, quod formaliter habuit, cum esset actus immaterialis, transmisi potuit.

Similiter ad 4. Illud est originale, quo Adam nobis nocuit, & nocet formaliter, concedo; quo nocuit causaliter, nego; vel subdistinguo: Et originale originans, & activè, concedo; originatum, & passivè, nego.

Ita & Basilius loquitur in sensu causalī, cum exilium à paradise refundit in compositionem pmi prohibiti. D. vero Bernardus loquitur de cauī, quo omnes in Adamo peccante cecidimus in debito & potentia, non actu; extrinsecè, & intrinsecè.

## §. III.

## Sententia Durandi rejicitur.

Durandus in 2. dist. 30. q. 3. dicit, peccatum originale parvolorum formaliter constituit in reatu, seu dignitate carendi iustitiae originalis, quæ carentia est poena ipsorum.

Fundamentum habet in autoritate SS. Dionysii & Augustini; nam Dionysius de Div. non c. 4. assertit, puniri non esse malum, sed esse pñmā dignum: ergo dignitas poena est moralis iustitia, ideoque sufficiens, ut formaliter constituit peccatum originale. D. vero Augustinus disputationes contra Pelagianos sapientem meministi, consupercientiam in non baptizatis esse peccatum originale non ratione sui, sed ratione reatus ad juncti, & idem esse tolli reatum, accollit originale peccatum.

7. Sed contraria est: *Vel per reatum intelligi obligationem ad poenam, vel dignitatem ad illam subeundam: sed neutro modo potest in reatu peccatum originale consistere.* Non in obligatione; partim quia hec est à DEO, culpa non est à DEO; partim quia nemo ad poenam obligatur à DEO, nisi culpabilis & dicens poenam, a deo, ut obligatio prius culpam & dignitatem personam supponat; partim quia potest à DEO tolli obligatio ad poenam, remanente culpa. Non etiam in ipsa dignitate poenam, quia & ipsa dignitas poenae est proprietas culpæ, eandem natura & ratione prius supponens, prout dictum in priori Tractatu de peccato personali: non enim ideo aliquis haberet culpam, quia est dignus poenam; sed ideo est dignus poenam, quia haberet culpam. *Vel* igitur iste reatus resultat in parvulo ex aliqua culpa verè ipsi inexistenti, vel tantum, ex culpa extrinseca Adami; si primum, habetur intentum, præter reatum ad poenam admittendam esse veram culpam in parvulis; non utique actualē; ergo originalem. Si secundum, incidis in sententiam priori §. refutatam, nec multū differt à modo loquendi Pelagianorum, qui dicebant, nos solum quoad obligationem luendi poenas Adæ peccatum participare.

8. Ad authoritatem SS. Dionysii & Augustini Respondeo, poenam dignum esse malum arguitivè & consecutivè, quia ex hoc arguitur aliquem esse culpabilem, cùm poena sit effectus & signum peccati; non verò esse malum constitutivè. Item D. Augustinum loqui de reatu radicali, qui est reatus culpa, non poena; nam culpam scilicet hoc modo radicaliter, vel etiam metonymicè sumendo effectum pro causa appellari possim consonat ex S. Script. ut Exod. 32. *Percusit DEUS populum pro reatu vituli.* Et Deut. 21. *Auseparuit ab eis reatus sanguinis,* hoc est, culpa homicidii, quo modo loquendi etiam utitur Tridentinus fess. f. de pecc. orig. can. f. Verum relicitur hisce sententiis jam antiquatis.

## § IV.

*Quædam sententia probabiles refelluntur.*

9. Vnde communis Recentiorum doctrina & conformis ad ea, quæ tradunt de peccato habituali, est, peccatum originale formaliter esse moralem concursum posteriorum ad prævaricationem Adæ, iis inexistentem & intrinsecum non physicè, sed moraliter: sicut in adulto actus peccati semel commissus manet habitualiter, donec per penitentiam delectetur. Sic Hugo de preuentitia Disp. 10. f. 7. n. 20. Suar. 1. 2. de pecc. D. 9. fess. 2. Granado, aliisque plures. In qua sententia duplex est admittenda moralitas; una per quam voluntates posteriorum fuerunt transfusa in voluntatem Adami; ita ut Adamo peccante posteri quoque moralem concursum præstiterint, & peccaverint in Adamo. Altera est, quod sit personale peccatum Adami post commissiōnem transit in habituale peccatum, & ipsum moraliter intrinsecè inquinavit; sic etiam ille concursus & actus posteriorum, quamdiu per baptismum non remittitur, censeatur in illis præiens, & intrinsecus moraliter.

R. P. Adeg. Theol. Schol. Tom. II.

Exponunt & probant suam sententiam tum aliarum refutatione, tum paritate peccati habitualis personalis; illud enim constituit in peccato proprio præterito non retractato, ita ut ex parte voluntatis connotet actum præteritum, ex quo habet quod sit voluntarium, & negationem retractationis; ex alia verò nempe ex parte DEI connotet negationem condonationis: ergo similiter peccatum habituale originale constituentum erit in peccato Adami, non ut præcisè erat Adami personale peccatum, sed ut simul erat peccatum naturæ, & omnium posteriorum, ex quo habet, quod sit voluntarium, simulque in morali inherētia & præsentia, quæ constituitur ex negatione condonationis & remissionis Divinæ.

Confirmatur. Idem specie est peccatum originale in parvulis, quod erat habituale peccatum in Adamo: sed peccatum habituale in Adamo consistebat in peccato præterito non retractato; ergo etiam in hoc consistit peccatum originale in parvulis modo explicato.

Sed contra hanc sententiam faciunt ea, quæ de peccato habituali diximus in priori Tractatu, præcipue quod juxta Trid. peccatum originale sit macula verè intrinseca, que omnibus in se unicuique propria, & quod parvuli, dum concipiuntur, propriam iniquitatem contrahant ex vi propagatioonis carnalis, sicut fideles per renascientiam in baptismo gratiam Christi consequuntur: atqui in hac sententia nulla forma verè parvulis intrinseca & inhærens ostendit potest, quæ lavacrum baptismi verè ablatur: non enim sufficit dicere, esse moraliter intrinsecam; quidquid enim moralitatis assignaveris, est parvulo extrinsecum; videlicet ordinatio Divina de transfusione voluntatum in voluntatem Adami, peccatum ipsius, & negatio condonationis Divinæ: ergo ex nullo capite salvatur, quod peccatum originale sit parvulus intrinsecum. Adde, quod verba Concill. [prout jam sup. tract. indicatum] sine in proprio sensu accipienda.

Inter Thomistas Godoyus cum Martinez aliis, que citatis docet, peccatum originale consistere in aliqua moralitate positiva, que sit conversio in bonum commutabile, & aversio ab incommutabili bono.

Fundamentum petunt primò ex D. Th. hic a. 2. ubi cùm in tit. art. quæsi sit, *nirum peccatum originale sit habitus?* resolvit cīc habitum, non per modum activæ inclinationis, sed dispositiōnis, quā natura bene vel male se habet, idque comparat cum agritudine, & in C. vocat *languorem animæ,* & ad 1. *habitum corruptum.*

Præterea inf. q. 113 a. 1. dicit, justificationem impii, quæ est transitus à peccato habituali ad gratiam, *esse motum:* atqui motus est inter terminos positivos.

Tandem q. 24. de Verit. a. 12. inquit: *Homo, qui est in peccato mortali, habitualiter peccato inheret, quamvis enim non semper habeat habitum viti, quia ex uno actu luxuria habitus non generatur;* voluntas tamen peccantis derelicto incommutabili bono, bono commutabili quasi fini adhæset. Et hujusmodi adhesionis vis & inclinatio in eā manet, quonsque iteratō bono incommutabili quasi fini adhæreat.

L 1 a

Funda-

Fundamentum à ratione idem ferè est, quod prioris sententiae: nimur: Peccatum originale, quod ex Adamo contrahimus, est ejusdem rationis cum illo peccato habituali, quod Adam per actualē inobedientiam contraxit: sed istud consistebat in termino positivo, & habituali conversione, seu adhæsione ad bonum creatum, tanquam ultimum finem [ita nempe docent ipsi auctores universaliter de omni peccato habituali:] ergo etiam peccatum originale in ejusmodi habituali, & positiva conversione consistit.

12. Contra hanc sententiam est primò: quia illa habitualis & positiva inclinatio in bonum commutabile, vel est aliquid corporeum, vel incorporeum. Non corporeum: primò, quia hoc non potest intrinsecè afficer spiritualem animæ substantiam. Secundò, quia vel esset substantia, vel accidens. Non substantia, hic enim est error Manichæorum: non accidens, quia hoc vel iterum esset concupiscentia, vel qualitas morbida, quorum utrumque Catholica & communis doctrina eliminat. Non incorporeum: primò, quia ipsa voluntas peccantis per peccatum deordinata à DEO est naturalis inclinatio in bonum proprium, tanquam in ultimum finem, unde alia inclinatio superaddita est supervacanea; secundò, quia nulla inclinatio naturalis præter voluntatem pro suo objecto, & termino respicit finem ultimum. Tertio: quia, ut expressè fatur S. D. q. 24. de Verit. a. 12. non per quolibet actum peccaminosum generatur habitus, cùm tamen per quolibet peccatum voluntas peccantis adhæreat bono commutabili. Quartò: quia est inexplicabile, quomodo Adam peccatum mediante generatione transfundat aliquid positivum in posteros, quando ipsum nec in se, nec in virtute aliqua positiva semini impressa, quam fiduciam esse ex dictis constat, existit.

13. Neque dicas: non transfundere physique, sed moraliter: nam moralis positiva causalitas consistit in motione alienæ voluntatis ad ponendum effectum, adeoque si Adamus moraliter causaret illum terminum positivum, tunc per suam inobedientiam demeritorie moveret Divinam voluntatem ad ponendum illum terminum positivum, cùm alia voluntas in illum influens aliognari nequeat, quod rursus est magnum absurdum.

## ARTICULUS II.

### In quoniam formaliter consistat peccatum originale?

#### S U M M A R I A.

1. Exponitur donum iustitiae originalis.
2. Statuitur formale peccati originalis in privatione iustitiae originalis secundum primarium effectum.
3. Probatio ab authoritate.
4. Probatio a ratione.
5. Authoritas D. Thomæ objecta exponitur.
6. Rationes objecta.
7. Solvuntur.
8. Peccatum originale est idem specie atrocia in omnibus hominibus.

#### §. I.

##### Expositio iustitiae originalis & resolutionis questionis.

**N**otandum, quod iustitia originalis, quam Adamus in paradyso & innocentia statu obnuit, atque, si in illa perseverasset, etiam in posteros transmisisset, adæquatè sumpta includat pluriū donorum & perfectionum aggregationem, quibus anima DEO, & vires inferiores superiores perfectè subjecibantur, corpus quoque a morib.